

COMUNICATO n. 2147 del 22/08/2024

Traduzione in cimbrio

"Zimbar Earde", mearar baz 900 puntate von zimbar Tg

[Cimbrio] Da soin 904 di puntate von Teledjornàl gântz gemacht von Kulturinstitut Lusérn, an innhaltar boda alle bochan macht bizzan bazta vürkhint in di kamòuschaft vodar zimbar zungmindarhait.

Ma geat von istituzionàln afte kulturàl un spòrtif trèff, darzuar von teledjornàl makma darvérn bazta iz nützlich un di gedenkhtang boda di lusérnar nèt mochan vorgèzzan, allz ditza zoaget bia di kamòuschaft iz no haüt starch gepuntet, siànka azta vil von soin laüt soin vort bait vo Lusérn, allz ummaz höarnsase gepuntet pinn gântz hèrtz in lânt bosa soin khent afte bèlt un bosa hãm gelebet soine pestn djar, asó azpe ma mak höarn khön àschaugante in nummar 900 vo Zimbar Earde gântz übar da khlümmanarste européan zungmindarhait, boda da autonome Provìntz vo Tria un di Redjong Trentino-Südtiról schoanen ankunto in Autonomì Statùtt.

An spetzial video kontàrt di zimbar vo Lusérn, “vo bo da khemmen, bosa soin, bo da bartn gian. An okasiong zo khenna pezzar di stòrdja vo disarn khlumman zungmindarhait boda iz uantze.

Untargeschribet atz belesch, dar zimbar Tg, iz durchgevüart von Stefano Nicolussi Castellan Galeno un geat auz alle bochan: aftz RTTR aniaglan sântzta di sibane mindar a viartl abas un an sunta an viartl dòpo mittartage un aftz TVA Vicenza alle sântzta di zboa mindar a viartl in tages un di uleve un a viartl abas, asó dar Tg khint gesek in di vitzentinar Simm Kamöündar un di Draitza Kamöündar o, in da sèll boda iz gest da zimbar earde, haüt in di Redjong Veneto.

Alle di Zimbar Earde mang khemmen gesek aftn kanàl youtube von Kulturinstitut Lusérn <https://www.youtube.com/@KILRedatziong>, da makma seng in spetziàl n. 900 aftz disan link:

<https://www.youtube.com/watch?v=eeon39XzIB4&t=2s>

Übarsetzt von Schaltarle vor di zung von Toalkamou vodar Zimbar Hoachebene

(cdt)